

Universitätsbibliothek Paderborn

R. P. Richardi Arsdekin Soc. Jesu Sac. Theol. Professoris Theologia Tripartita Universa

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

§. 1. Quid sit, & quotuplex gratia actualis, & quales de ea errores Pelagii
&c.

urn:nbn:de:hbz:466:1-38447

Itaque ex hac tenus dictis colligitur haec conclusio. Electio ad gloriam & reprobatio ab illa , neque fit ante merita vel demerita absoluere previsa , nec simul , sine respectu ad ordinem actuum divinorum , Ergo necesse est , illam fieri post merita absoluere praesummodo haec tenus explicato.

Alia de praedestinatione Calviniana evidenter refutata videri possunt supra Tract. II. cap. II. de fide, operibus, gratia, praedestinatione pag. 59.

CONTROVERSIA QUARTA.

De Gratia divina.

Intra Doctores Catholicos etiam hoc tempore variæ, gravissimæque controversiæ agitantur de Gratia divina virtute, necessitate, sufficientia, efficacia &c. Horum dogmata inter se non parum dissidentia necesse est à damnatis Hæreticorum erroribus accuratè discernere , & singulariæ opinionum Authores ac fundamenta cognoscere ne contingat divini Verbi ministros, dum aut orthodoxos docent, aut heterodoxos oppugnant , aliquid de his imperitè pronunciare.

Fuerunt hæc de gratia præfertim sufficienti, & efficaci, controversiæ , inter celeberrimas questiones cotam Sunnis Pontificibus Romæ disputatas circa annum 1606. in Articleo 7. & 8. quæ quindecim propositiones summâ Disputantium contentione evenitatis continebant. Fuerunt & de his instauratae Bajanæ , alioque cum his concatenatae. Nec defunct de iisdem hodie acerrima plurium Scholæ certamina , quæ in decursu distinctius profrentur.

§. I.

Quid sit, & quatuorplex Gratia actualis, & quales de ea errores Pelagii &c.

Gratia actualis rectè dicitur , donum naturæ in debitum, peculiariter conferens ad beatitudinem supernaturalem. Hæc est communis doctrina Theologorum, quamvis alter non nihil sensisse Bajum infra patet. Desumitur illa notio gratia ex Apostolo ad Romanos cap. 11. *Si gratia jam non ex operibus, alioqui gratia jam non est gratia.* Et confirmatur ratio ne: Quia sicut ipsa beatitudo , sive clara Dei visio, est donum naturæ indebitum, ita necesse est ut gratia, quæ ad eam obtinendam naturæ impotentiam sublevarit, sit singulare donum quod naturæ vires excedit.

Dividitur hæc gratia in operantem, cooperantem, excitantem, adjuvantem, prout vario modo concurrit ad actum voluntatis creatæ. Item in gratiam sufficientem, & efficacem, quæ infra exponentur.

Circa annum Christi quadragesimum emersit Pelagius, qui professione dicitur monachus, & natione Scotus. Iste tempore S. Augustini acerrimus Gratia impugnator fuit: contra illum strenue dimicavit idem Augustinus, fueruntq; ejus errores damnati à Concilio Palestino, & ab aliis in Africa, & in Gallia à Concilio Arafucano, variisque Pontificibus.

Docuit Pelagius primò, nullum dari peccatum originale, & infantes esse in eo statu quo fuit Adamus ante prævaricationem, quem voluit nihil nocuisse posteris, nisi solo peccandi exemplo.

Secundò, Infantes non baptizatos habituros vitam,

R.P. Arfdekk. Tom.I.

& felicitatem peculiarem æternam, sed in regnum carlorum non admittendos.

Tertiò, Homines posse per solas vires naturæ legem Dei implere, & cognitus præceptis, sine adjutorio gratiæ Salvatoris, ad eam perfectionem pervenire, ut non sit necessarium dicere: *Dimitte nobis debitanostra.*

Postquam hæc pestifera hæresis ab Ecclesiæ reprobata est, non ita potuit penitus aboliri , quin aliquæ ex ea reliquæ subtiliori veneno plurimos inficerent, & hi dicti sunt Semipelagiani.

Itaque Semipelagiani , admissò peccato originali & imbecillitate naturæ , que integra fuerat in Adamo, docuerunt aliquam gratiam Christi ad salutem esse necessariam, sed eam subesse voluntatis nostræ arbitrio, eo quod per initium viribus naturæ credendi, querendi, &c. eam possimus obtainere. Et probabilius est eos hanc gratiam intellectus non tantum de illuminatione supernaturali intellectus, sed etiam de corroboratione voluntatis. De his S. Augustinus lib. de grat. & lib. arbit. cap. 14. sic loquitur, ut afferat convictos esse illos Inflatores liberiarbitrii, quod Gratia divina non tantum sit Dei scientia, & natura, sed faciat ut lex impleatur, & istos ad hoc se convertere, quod gratia secundum merita nostra detur.

Docuerunt secundò, Multis prædicari Evangelium mere ob conditionem præcognitam bonam eorum voluntatem; quin & infantes aliquos ideo obtainere Baptismum, alios vero Baptismo destituti, quia nempe præcognovit Deus , si viverent rectè usuros bona voluntate , atque ita habituros ex se initium credendi, alios verò non rectè usuros, ideoque celo exclusos. Patent hæc ex Epist. Prosperi ad S. Augustinum, ubi ita concludit: *Novo absurditatis genere, & non agenda prædicta sunt, & prædicta non acta.* Quod nempe infantes dicerentur præsciri meritorie acturi ex viribus naturæ , cum tamen sine gratia nemo possit meritorie operari, nec infantes illi, unquam fuerint acti operaturi.

Docuerunt tertio, Perseverantiam in bonis operibus & iustitia, ac tandem electionem ad gloriam maximè fundari in viribus naturæ: credebant enim perseverantiam non esse peculiare donum gratiæ , sed homines per vires naturæ persistendo in fide & desiderio salutis, posse illam promereri, ac ipsam prædestinationem ad gloriam quam noblebant à peculiari Dei beneplacito dependere , ne alias foret acceptio personarum. Ita habet Epist. Hilarii ad Augustinum, & ipse August. lib. de bono per sev. cap. 7. Neque refert quod Semipelagiani , ad perseverandum in adimplendis præceptis, Dei gratiam requirent , quia eam volebant dependere à naturali permanentia in fide, & desiderio salutis tanquam merito. Et hoc tantum sensu sapienter damnatum est , gratiam ancillari voluntati, eam subsequi, non autem prævenire &c. Quæ omnia solerter annotanda, ut natura gratiæ, & doctrina Catholica ritè percipiatur.

Ubi ad extremum adverte , modernos Seclarios hos quidem errores averteri, sed insipientium more in altero extremo, soli gratiæ omnia attribuendo, in gravissimas hæreses prolabi: dum docent cum Calvinis, Quidquid sit sine gratia multis modis contaminari: gratiam non confitere cum libertate à necessitate, sed tantum cum libertate à coactione: neminem à salute excidere posse post acceptam gratiam conversionis , & alia errorum monstra , quæ in

Q

Con-

l'sde
Kin

Theo-
logia

B 28

Controversia de gratia & prædestinatione supra notavimus. trahit. 2. cap. 2.

§. II.

An possibile sit hominem condi in statu pure naturæ absque dono supernaturali gratie?

Status pure naturæ est, in quo homo tantum sortiatur perfectiones naturæ debitas, & ordinetur ad beatitudinem naturalem distinctam à clara Dei visione. Hunc statum prorsus impossibilem esse, post Bajum, ita defendit Janenius Irenensis lib. 1. & 2. de statu puræ nat. ut possibiliteris istius assertores proclameret reos esse Pelagianini, doctrinæ Augustinianæ corruptores, & divinæ iustitiae ac providentiae evertores. Unde ulterius docet, sine iustitia, & bona voluntate creaturam rationalem à Deo condi non posse, neque creaturæ innocentia sine iustitia beatitudinem supernaturalem negari, neque posse morti ac miseriis obnoxiam relinquere. Ex quibus aperte sequitur gratiam divinam sic non esse donum naturæ indebitum.

At contra, omnino dicendum est, possibilem esse statum puræ naturæ. Estque hæc communis Theologorum doctrina cum D. Thoma. 1. part. quæst. 59. art. 1. & alibi frequenter. Consentit Scotus in 2. dist. 28. quæst. unica, Nominales, aliqui Doctores, ac Patres, quæ ex illo ad Roman. 5. *Claritas Dei diffusa est in cordibus nostris per Spiritum S. qui datus est nobis*, deducunt gratiam actualē & veram iustitiam esse singularē donum nobis indebitum; ergo natura non potest illam gratiam, qua ad iustitiam & charitatem ordinatur, ita sibi vindicare, ut non possit sine illa creari. Idque confirmatur ex S. Augustino tum alibi, tum lib. 3. contra Maximum cap. 15. *Homo ad Dei similitudinem factus, non est verus filius, & ideo fit gratia filius quia non est natura*.

Probatur 2. ex Decreto trium Pontificum contra Michaelis Baji propositionem 26. *Integritas prime creationis non fuit indebita humanae nature exaltatio, sed naturalis ejus conditio*: Et prop. 55. *Deus non potuisse ab initio talem creare hominem qualis nunc nascitur*. Ergo ex sensu Ecclesiæ doctrine Bajana opposito, potuit homo ab initio creare qualis nunc nascitur absq; sanctitate, & dono integratius, qui esset status puræ naturæ. Et verò ratio ipsa docet, dona quibus constitutur status innocentia, neque esse proprietates naturæ humanae per se spectatae, neque ea ex meritis illi deberi, cum hominis creatio nullum meritum præsupponat, ac proinde nihil obesse quo minus possit in statu puræ naturæ donis illis orbata creari, obnoxia concupiscentia, & morti, & miseriis statum hominis naturalem consequentibus; munienda tamen fuisse tunc natura humana præsidii ordinis naturalis, quibus possit peccata evitare.

Objicies primò S. Augustinus lib. 3. de peccat. meritis cap. ult. & paſſim in Opere imperfecto, & alibi, agens contra Pelagianos urge fructu baptizari infantes quia innocentia naturali annexa est sanctitas & gratia. Hoc verò argumentum nullius foret ratione si possibilis esset status puræ naturæ.

Respondeo primò, hoc argumento nimium probari: inde enim sequeretur quod Augustinus plus attribuerit naturæ secundum se, quam ipse Pelagius: quia hic negabat naturæ parvolorum etiam innocentia de-

bitam esse adoptionem in filios Dei, ad veram sanctitatem, & gloriam, ideoque in ordine ad hæc dona obtinenda afferebat Baptismum esse necessarium: quod si S. Augustinus vellit dona ista sic debita esse natura ut non possit sine illis creari, in efferenda natura longè Pelagium antecederet, quod nemo admisit.

Respondeo igitur secundò, dum affert S. Augustinus, si abesse originale, innocentia naturali annexam fore sanctitatem & gratiam, illum procedere ex suppositione providentie supernaturalis jam à Deo constituta, & promissa de iustitia infundenda ubi non esset obex peccati. Cum enim eo nunc supposito non detur status medius inter statum iustitiae & peccati, rectè arguit contra Pelagianos, si dicant infantes esse sine peccato originali, illos esse in statu iustitiae, adeoque fructu baptizari ad iustitiam obtinendam, aut peccatum expiadendum. Hoc itaque dictum S. Augustini juxta præsentem rerum statum, nihil facit contra statum puræ naturæ possibilem.

Objicies secundò: S. Augustinus lib. de Spiritu & littera cap. 27. contendit hominem naturaliter esse Dei imaginem, & statum gratiae illi esse naturalem, &c. Hoc, inquit, agit Spiritus gratia ut imagine Dei, in qua naturaliter facti sumus, in nobis restau- ret: Et lib. 3. de libero arbitrio. cap. 18. ait, errare, & torqueri &c. non est natura instituti hominis, sed pena damnati. Ergo status innocentia fuit Adamo naturaliter debitus, adeoque status puræ naturæ impossibilis.

Respondeo neg. consequentiam. Sed id est tan- tum tradit nos in imagine Dei naturaliter conditos, quia ipsa natura secundum se considerata, est quadam Dei imago, & multò magis prout fuit in Adamo cum sanctitate de facto creata. Hoc igitur modo rectè dicitur, quod errare, aut torqueri, non sit secundum naturam instituti hominis prout scilicet cum singularibus Dei donis de facto condita fuit. Hinc, naturaliter, non sumitur ibi prout opponitur statu supernaturali, sed illi qui est contra naturam, & morales defectus qui eam comitantur. Et hac ratione solvunt dicta quedam aliorum Patrum, dum asserunt dignitatem illam Adamo fuisse naturalem: tan- tum enim volunt eam fuisse Adamo concretam, sicut dicimus illum naturalem esse haeredem coronam, cui contingit nasci cum jure ad regni coronam, quamvis absolute sine isto jure nasci potuerit.

CONTROVERSIA QUINTA.

An, & qualis detur Gratia sufficiens?

§. I.

Exponitur status Controversie.

Gratia sufficiens sumi potest prout opponitur in sufficienti, quæ ad certum effectum v. g. ad amorem Dei nec proximè, nec remotè sufficit. Gratia verò sufficiens huic opposita talis est, ut possit vel proximè, vel remotè certum actum v. g. Dei amorem inferre, proximè quidem, si præter eam alia gratia non requiratur, remotè verò si non sufficiat per se ad amorem eliciendum, possit tamen sufficere ad actum fidei, vel alium, per quem obtinebitur gratia ulterior ad Dei amorem requirita.

Sed communius gratia sufficiens accipitur pro ea, quæ